

IO. FROBENIVS SO-

DALITATI LITERARIAE SELESTADIENSI,

NOMINATIM IO. SAPIDO, IO. RVSERIO

IO. PVRLETO, IO. CASTANEO, PETRO

ADIVTORI, IO. MAIO, IO. RE-

STACIO, SALVTEM D.

FELICITATEM Selestadij saepe mecum demirari so-
leo, quippe semper habet tantum melioris eruditionis stu-
diosorum, quantum etiam in quibusdam academijs uix sit
reperire. magna haec profecto Selestadij dos, unde tan-
dem accidat. Quid ni autē id deo opt. max. feretur acceptū,
qui istum locum studijs incomparabiliter explendescere ue-
lit, Versamini uos nunc in optimis literis, Graeca & Hebrai-
ca meditantēs studia. Docet Io. Ruserius magna diligentia,
candore summo. Quantum hic improbo labore in Graeca-
nicis adsecutus est: ut nō minus in Poētis exponendis prom-
ptus sit, quā in oratoribus. Neq; uero minor uobis Latinae
linguae cura, cum non exeat dies, in qua Plinianam lectionē
cum Ciceroniana non coniungatis. Apuleios, Sidonios, Ful-
gentios, Pios nunquā in manus sumitis: nam scitis quem-
admodum anno superiori Roma Baptistam Pium delicias
suas, Osci & Volsci dialogo quem legistis, Ludis Pontifi-
cis publice recensito, ὡς περ ἐξ ἀμύνης, riserit. Quin emulabū-
di suspicitē Caesaris elegātiā & candorem, Columellae flo-
res, & nitorem Celsi, Salustij breuitatem & grauitatē, uber-
tatem Liuij, Taciti pressum dicendi genus: & ut ad recen-
tioris ueniā, Hermolai diligentiam & antiquitatem, Poli-

tiani nitorem, Erasmi uenustatem, lucem, suauitatem, & acumen. Proinde ut institutum uestrum rectissimum, & iudiciū acerrimum adiuuaremus, Hadrianum Cardinalem De sermone Latino, & modis Latine loquendi, typis nostris excusum ad uos misimus. Nihil enim aliud diu noctūque cogitamus, quàm ut studiosis pro simus. Adiecimus eiusdem Syluulam *ὁδοιπορικὴν*, qua Iulij Pontificis iter describit, feliciter imitatus Horatij Satyræ, cuius initium,
» Egressum magna me excepit Aricia Roma,
» præterea carmen de Venatione, tam eruditum & numeris
» omnibus absolutū, ut sint in doctis, qui illud antiquum credant, & non huius temporis. Sed memineritis Hadrianum non tam Cardinalitia dignitate, quàm etiam doctrina, supra uulgarem hominum sortem magnum & eximium.

Salutate præcipua sodalitatis uestræ decora, Dnn.

Abbatem Paulum Volzium, Iacobū Vuimphelingium, & Martinum Ergershemum

Sacrorum antistitem. Bene ualete,

Basileæ. Sub Nonas Iunias,

AN M. D. XVIII.